

სსიპ “საქართველოს კულტურული მემკვიდრეობის დაცვის ეროვნული სააგენტო“

*დუშეთის მუნიციპალიტეტი, სოფ. მუცოს ისტორიულ - არქიტექტურული კომპლექსის
(ეროვნული მნიშვნელობის კატეგორიის კულტურის უძრავი ძეგლი) სარეაბილიტაციო
სამუშაოების (VIII ეტაპი) შესყიდვის ელექტრონული ტენდერის
(აუქციონის გარეშე)*

სატენდერო კომისიის სხდომის

ოქმი #1

ქ. თბილისი

21.04.2022წ.

სხდომას ესწრებოდნენ:

ლევან ხიზანიშვილი - სსიპ საქართველოს კულტურული მემკვიდრეობის დაცვის ეროვნული სააგენტოს გენერალური დირექტორის პირველი მოადგილე - კომისიის თავმჯდომარე;
ვლადიმერ გაბომე - სსიპ საქართველოს კულტურული მემკვიდრეობის დაცვის ეროვნული სააგენტოს ეკონომიკური სამსახურის უფროსი - კომისიის წევრი;
პაატა გაფრინდაშვილი - სსიპ საქართველოს კულტურული მემკვიდრეობის დაცვის ეროვნული სააგენტოს გენერალური დირექტორის მოადგილე - კომისიის წევრი;
ნუგზარ ყიფიანი - სსიპ საქართველოს კულტურული მემკვიდრეობის დაცვის ეროვნული სააგენტოს გენერალური დირექტორის მოადგილე - კომისიის წევრი;
ირინე საბაშვილი - სსიპ საქართველოს კულტურული მემკვიდრეობის დაცვის ეროვნული სააგენტოს ძეგლთა რეაბილიტაციის, ნებართვებისა და ექსპერტიზის სამსახურის უფროსის მოადგილე - კომისიის წევრი;
ხათუნა მენაბდიშვილი - სსიპ საქართველოს კულტურული მემკვიდრეობის დაცვის ეროვნული სააგენტოს ეკონომიკური სამსახურის უფ.სპეციალისტი (შესყიდვების მიმართულებით) - კომისიის აპარატის წევრი.

დღის წესრიგი:

სსიპ “საქართველოს კულტურული მემკვიდრეობის დაცვის ეროვნული სააგენტო“-ს მიერ დუშეთის მუნიციპალიტეტი, სოფ. მუცოს ისტორიულ - არქიტექტურული კომპლექსის (ეროვნული მნიშვნელობის კატეგორიის კულტურის უძრავი ძეგლი) სარეაბილიტაციო სამუშაოების (VIII ეტაპი) (CPV კოდი - 45454100) შესყიდვის მიზნით ელექტრონული ტენდერის აუქციონის გარეშე - სატენდერო განცხადებისა და სისტემაში ელექტრონულად შევსებული სატენდერო პირობების პროექტის დამტკიცება.

კომისიამ მოისმინა:

სატენდერო კომისიის წევრის, ვლადიმერ გაბომის გამოსვლა, რომელმაც სხდომას დასამტკიცებლად წარმოუდგინა: ა) სატენდერო განცხადების პროექტი და ბ) სისტემაში

ელექტრონულად შევსებული სატენდერო პირობების პროექტი, რომელიც შედგენილია „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანების საფუძველზე და რომლის დამტკიცების შემდგომ უნდა მოხდეს შესყიდვების ერთიან ელექტრონულ სისტემაში შესაბამისი ელექტრონული პროცედურის განხორციელება.

„სახელმწიფო შესყიდვების სააგენტოს რეკომენდაციების ელექტრონული ტენდერის ჩატარებისას ბაზრის კვლევის განხორციელებასთან დაკავშირებით“ შესაბამისად სატენდერო კომისიამ იმსჯელა ბაზრის კვლევის განხორციელებასთან დაკავშირებული საგამონაკლისო შემთხვევაზე, კერძოდ, სახელმწიფო შესყიდვის ფარგლებში მომზადებული საპროექტო-სახარჯთაღრიცხვო დოკუმენტაციის საფუძველზე, **დუშეთის მუნიციპალიტეტი, სოფ. მუცოს ისტორიულ - არქიტექტურული კომპლექსის (ეროვნული მნიშვნელობის კატეგორიის კულტურის უძრავი ძეგლი) სარეაბილიტაციო სამუშაოების (VIII ეტაპი)** პროექტის წარმოდგენილი სახარჯთაღრიცხვო დოკუმენტაციის საფუძველზე არსებული ლოკალურ-რესურსული გაანგარიშებიდან (სახარჯთაღრიცხვო დოკუმენტაციამ გაიარა სსიპ ლევან სამხარაულის სახელობის სასამართლო ექსპერტიზის ეროვნული ბიუროს ექსპერტიზა და ერთეულის ფასებზე დაყრდნობით განხორციელდა ხარჯთაღრიცხვის კორექტირება) და შეადგენს - 275`707.00 ლარს (დღგ-ს გარეშე). პრეტენდენტის საკვალიფიკაციო მოთხოვნების განსაზღვრის მიზნით შემსყიდველი ორგანიზაციის მიერ 2022 წლის 01-15 აპრილის ჩათვლით განხორციელებული ბაზრი კვლევის მასალებზე დაყრდნობით დაზუსტდა პრეტენდენტისადმი და პრეტენდენტის პერსონალისადმი წანებული საკვალიფიკაციო მოთხოვნები.


დუშეთის მუნიციპალიტეტი, სოფ. მუცოს ისტორიულ - არქიტექტურული კომპლექსის (ეროვნული მნიშვნელობის კატეგორიის კულტურის უძრავი ძეგლი) სარეაბილიტაციო სამუშაოების (VIII ეტაპი) შესყიდვის სავარაუდო ღირებულება შეადგენს 275`707.00 ლარს (დღგ-ს გარეშე); შეთავაზების ფასის კლების ბიჯი - 1`200.00 ლარი. მოწოდების ვადა - ხელშეკრულების გაფორმებიდან არაუგვიანეს 8 (რვა) კალენდარული თვის ვადაში.

სატენდერო კომისიის წევრებმა მოიწონეს წარმოდგენილი პროექტები. სატენდერო განცხადებისა და სისტემაში ელექტრონულად შევსებული სატენდერო პირობების პროექტები დადებითად შეაფასა კომისიის თავმჯდომარემ.

კომისიამ დაადგინა:

1. დამტკიცდეს **დუშეთის მუნიციპალიტეტი, სოფ. მუცოს ისტორიულ - არქიტექტურული კომპლექსის (ეროვნული მნიშვნელობის კატეგორიის კულტურის უძრავი ძეგლი) სარეაბილიტაციო სამუშაოების (VIII ეტაპი) (CPV კოდი - 45454100)** შესყიდვის მიზნით ელექტრონული ტენდერის (აუქციონის გარეშე) სატენდერო განცხადებისა და სისტემაში ელექტრონულად შევსებული სატენდერო პირობების პროექტის წარმოდგენილი ვარიანტები (იხ.დანართები);

2. დაევალოს სატენდერო კომისიის აპარატს მოახდინოს სისტემაში ელექტრონულად შევსებული სატენდერო განცხადების და სატენდერო პირობების პროექტის მიხედვით შესაბამისი ელექტრონული პროცედურის განხორციელება.

კომისიის თავმჯდომარე  /ლევან ხიზანიშვილი/

კომისიის წევრი




/ვლადიმერ გაბაშვილი/

კომისიის წევრი



/პაატა გაფრინდაშვილი/

კომისიის წევრი



/ნუგზარ ყიფიანი/

კომისიის წევრი



/ირინე საბაშვილი/

კომისიის აპარატის წევრი



/ნათუნა მენაბდიშვილი/

შესყიდვა დასრულებდა ძირითად დროში. დამატებითი რაუნდები არ გაიმართება

შესყიდვის ტიპი	ელექტრონული ტენდერი აუქციონის გარეშე(NAT)	დამატე რჩეულებში
განცხადების ნომერი	N/A	
შესყიდვის სტატუსი	 განცხადების პროექტი	
შემსყიდველი	 საქართველოს კულტურული მემკვიდრეობის დაცვის ეროვნული სააგენტო	
შესყიდვის გამოცხადების თარიღი		
წინადადებების მიღება იწყება	06.05.2022 00:00	
წინადადებების მიღება მთავრდება	11.05.2022 12:00	
დაფინანსება	2022 წლის სახსრები	
შესყიდვის სავარაუდო ღირებულება	<u>275`707.00 GEL</u>	
წინადადება წარმოდგენილი უნდა იყოს	დღგ-ს გარეშე	

კლასიფიკატორის (CPV) კოდი და კლასიფიკატორის დანაყოფი

- 45400000 - შენობის დასრულების სამუშაოები

კლასიფიკატორის (CPV) კოდი და შესყიდვის კონკრეტული ობიექტი

- 45400000 - შენობის დასრულების სამუშაოები
- 45454100 - აღდგენითი სამუშაოები

შესყიდვის რაოდენობა ან მოცულობა	მოცემულია სატენდერო დოკუმენტაციაში
მოწოდების ვადა	ხელშეკრულების გაფორმებიდან არაუგვიანეს 8 (რვა) კალენდარული თვის ვადაში.
შეთავაზების ფასის კლების ბიჯი	1` 200.00 GEL
გარანტიის ოდენობა	2` 757 GEL
გარანტიის მოქმედების ვადა	160 დღე
დამატებითი ინფორმაცია	

დუშეთის მუნიციპალიტეტი, სოფ. მუცოს ისტორიულ - არქიტექტურული კომპლექსის (ეროვნული მნიშვნელობის კატეგორიის კულტურის უძრავი ძეგლი) სარეაბილიტაციო სამუშაოები (VIII ეტაპი)

შესყიდვის ობიექტის აღწერასთან დაკავშირებული ინფორმაცია

1.1 მიუთითეთ შესყიდვის ობიექტის დასახელება

დუშეთის მუნიციპალიტეტი, სოფ. მუცოს ისტორიულ - არქიტექტურული კომპლექსის (ეროვნული მნიშვნელობის კატეგორიის კულტურის უძრავი ძეგლი) სარეაბილიტაციო სამუშაოები (VIII ეტაპი).

1.2 მიუთითეთ საქონლის/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

ტექნიკური დავალება

პრეამბულა

მუცო კავკასიის მაღალმთიან დასახლებათა შორის ყველაზე მიუვალი სიმაგრეა, ნაგებია სიპი ქვის მშრალი წყობით. კონსერვატიულ მთაში მასალის სპეციფიკიდან გამომდინარე, მშენებლობის ტექნოლოგია უძველესი დროიდან დღემდე არ შეცვლილა. მუცოს განაშენიანება შემჭიდროებულია, ახსიათებს ტერასული განლაგება, რაც რელიეფით არის ნაკარნახევი. განაწილებულია ორ, დაიაურებისა და შეთეკაურების ძირითად უბნებად, რომელთა შორის ზღვრად ისევ ბუნებრივი ფაქტორი - რელიეფია გამოყენებული.

დღემდე შემორჩენილი ნაგებობები სავარაუდოდ განვითარებული და გვიანი შუასაუკუნეებით თარიღდება /X-XVIII სს/. მუცო ზიანდებოდა და ხელახლა შენდებოდა. მიწისძვრისგან წარმოქმნილი დეფორმაციები აშკარად ეტყობა ერთნაირად გადახრილ კოშკებს.

მუცოს ციხე-სახლების, კოშკების და აკლდამა-სამაროვნების წინასწარი სარეაბილიტაციო გამოკვლევა პირველად 1989 წელს დაიწყო. 2004 - 2014 წლებში მომზადდა მუცოს რეაბილიტაციის პროექტი და 2014 -2020 წლებში ეტაპობრივად ჩატარდა რეაბილიტაცია.

ტენდერის მიზანია გაგრძელდეს მუცოს ისტორიულ-არქიტექტურულ კომპლექსის რეაბილიტაცია. 2022 წელს დაგეგმილია არსებული ნაგებობების სარეაბილიტაციო სამუშაოების განახლება. დღის წესრიგში დგას N25, N28 კოშკებისა და საბაგიროს რეაბილიტაცია.

ჩასატარებელი სამუშაოები:

1. გაგრძელდეს წინა ეტაპზე დაწყებული სარეაბილიტაციო სამუშაოები N25 კოშკზე (+4.00 მ. ნიშნულამდე);
2. შესრულდეს N28 კოშკზე I ეტაპის სამუშაოები (ლითონის კონსტრუქციებით დროებითი გამაგრება);
3. ჩატარდეს საბაგირო გზის სარემონტო სამუშაოები.

N25 კოშკის რეაბილიტაცია:

- ხის არაინვენტარული ხარაჩოს მოწყობა;
- კოშკის კედლების აღდგენა ახალი სიპი ქვით (განსაკუთრებით რთული წყობით)
- გადახურვის კოჭების აღდგენა ფიჭვის უხეშად დამუშავებული მორებით;
- გადახურვის ხის კავების მოწყობა;
- კავებზე ფიცარის ფენილის მოწყობა.

N28 კოშკის რეაბილიტაციის I ეტაპი (დროებითი გამაგრება):

- არსებული ავარიული ფიქალის ქვის კედლის დაშლა;
- კოშკის გარშემო ტერიტორიის გასუფთავება გრუნტისა და მცენარეული საფარისაგან, კლდოვან რელიეფზე;
- მიწის მოჭრა ხელით ინტერიერში;
- ლითონის ხარაჩოს მოწყობა ფსადებზე, განსაკუთრებით რთულ რელიეფზე, კოშკის ძირის დონეზე ბაქანის მოწყობით;
- კედლების დაბურღვა და მჭიმების მოწყობა, კლდოვანი ქანის ჩაბურღვა ლითონის კონსტრუქციის კლდეში ჩასამაგრებლად;

- ლითონის კონსტრუქციის მოწყობა ინტერიერში და ფასადებზე;
- ლითონის კონსტრუქციის ღებვა ანტიკოროზიული საღებავით.

საბაგირო გზის რემონტი

- ბაგირზე არსებული სამუხრუჭე მექანიზმის მოხსნა;
- საბაგიროს, არსებული, დაზიანებული მზიდი ბაგირის დემონტაჟი;
- ახალი მზიდი ბაგირის მონტაჟი;
- ახალი გამწევი ბაგირის მონტაჟი;
- ბაგირზე სამუხრუჭე მექანიზმის მონტაჟი;
- ამწევი ჯალამბრის აღდგენა-რეაბილიტაცია, ხუნდების შეცვლა;
- ბაგირგზის ამრავი მექანიზმის დემონტაჟი და გადატანა ზედა სადგურზე;
- ბაგირგზის გამწევი ბაგირის დემონტაჟი და მონტაჟი.

ძირითადი პირობები

სამუშაოების მიმდინარეობისას ყველა გამოყენებული მასალა უნდა იყოს მაღალხარისხიანი და უნდა აკმაყოფილებდეს საქართველოში მოქმედ სამშენებლო ნორმებსა და სტანდარტებს. ყველა მასალა და სამარაგო საგანი მოწოდებული კონტრაქტის ფარგლებში, უნდა იყოს ახალი, უხმარი, სტანდარტული, მაღალი ხარისხის. უხარისხო ან დაზიანებული ხარისხის მასალები არ მიიღება და მათი გამოყენება არ იქნება ნებადართული. ნაგებობების საშენ მასალად გამოსაყენებელია სიპი ქვა, მშრალი წყობით.

სამუშაოების ჩატარებისას ყურადღება უნდა მიექცეს სამუშაოთა შესრულების ხარისხს, რომელთა დაცვა სავალდებულოა კულტურული მემკვიდრეობის ძეგლის ფასეული ელემენტების შესანარჩუნებლად.

სამუშაოების მიმდინარეობისას ახლადგამოვლენილი გარემოებ(ებ)ის გამოვლენისა და მისი დასაბუთების შემთხვევაში, პროექტიდან რაიმე გადახვევა, ან მასში ცვლილება, შეთანხმებული უნდა იქნეს შემსყიდველთან.

მიწის და მიწასთან დაკავშირებული ფიზიკური სამუშაოების შესრულების პროცესი განხორციელდეს ხელით, არქეოლოგიური ზედამხედველობით, შესაბამისი ანგარიშის მომზადებით.

სამუშაოთა მიმდინარეობისას გამოვლენილი ახალი არქეოლოგიური მასალა მიმწოდებელმა სათანადოდ უნდა დაიცვას დაზიანებისგან, განადგურებისგან და დაკარგვისგან, ასევე გარემო პირობებისა და არასასურველი ზემოქმედებისგან.

გაწმენდითი სამუშაოები განხორციელდეს არქიტექტორ-რესტავრატორისა და არქეოლოგის ზედამხედველობით. სამუშაოები განხორციელდეს პროექტის ავტორის ზედამხედველობით;

მიმწოდებელი შემსყიდველთან შეთანხმებული სამუშაოების გეგმა-გრაფიკის შესაბამისად, სამუშაოების დამთავრებისთანავე შემსყიდველს წარუდგენს ინფორმაციას წერილობით, ანგარიშის სახით გათვალისწინებული სამუშაოების მიმდინარეობის შესახებ. მიმწოდებელი ვალდებულია გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას. შესრულებული სამუშაოების ანგარიში შემსყიდველს წარედგინება ტექსტური და გრაფიკული მასალის დოკუმენტრებით (A3 ან A4 ფორმატის ალბომის სახით, ზამბარით აკინძული - 3 ეგზ.) და ელექტრონულ ვერსიაში მეხსიერების ბარათზე (ტექსტური და გრაფიკული მასალის PDF, EXCEL ფაილი; ფოტომასალა - TIFF ან JPG გაფართოების ფაილი) ჩაწერილი.

მიმწოდებელი ვალდებულია რეაბილიტაციის დაწყებამდე ძეგლზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

- მესაკუთრე;
- შემსყიდველი;
- მიმწოდებელი;

• ჩასატარებელი სამუშაოს სახეობა.

ტექნიკური დავალების დანართების სახით მოცემულია:

დანართი 1 - დუშეთის მუნიციპალიტეტი, სოფელ მუცოს სარეაბილიტაციო სამუშაოების საპროექტო დოკუმენტაცია (PDF ფაილი);

დანართი 2 - სატენდერო ობიექტზე ჩასატარებელი სამუშაოების ჩამონათვალი, სახარჯთაღრიცხვო ფორმა და მოცულობები;

დანართი 3 - სამუშაოთა წარმოების გეგმა-გრაფიკი;

დანართი 4 - CV-ის ფორმა /გრაფაში „სამუშაო გამოცდილება: ფიზიკური სამუშაოები/პროექტები (დასრულებული, მიმდინარე)“ ჩაიწეროს ბოლო 5 წლის განმავლობაში შესრულებული სამუშაოების ჩამონათვალი/.

ნორმატიული დოკუმენტები

მუშაოების პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით.

ყველა სამუშაოს განხორციელება მოხდეს საქართველოს მთავრობის 2007 წლის 28 მარტის №62 დადგენილების „მშენებლობის უსაფრთხოების წესების“ მოთხოვნათა გათვალისწინებით.

მიმწოდებელმა უნდა უზრუნველყოს სამუშაოთა უსაფრთხოებისათვის საჭირო ყველა წესისა და ინსტრუქციის შესრულება, რათა აიცილოს უბედური შემთხვევები და მინიმუმამდე დაიყვანოს თავისი მუშაკების და სხვა ადამიანთა ზარალი. სამუშაო ტერიტორიაზე უნდა იყოს შესაბამისი ნიშნები და გაფრთხილებები.

უსაფრთხოება და გარემოს დაცვა

მიმწოდებელმა სამშენებლო/სარეაბილიტაციო სამუშაოები უნდა შეასრულოს საქართველოს კანონმდებლობით გათვალისწინებული, შესაბამისი სამშენებლო და გარემოსდაცვითი ნორმებისა და წესების დაცვით, საქართველოში მოქმედი კანონმდებლობის და არსებული ნორმების შესაბამისად; მიიღოს შესაბამისი ზომები, რაც უზრუნველყოფს გარემოს, ისტორიული ძეგლის ქონების და სამუშაოებში მონაწილე ყველა პირის უსაფრთხოებას. სამუშაოების წარმოებისას, სამშენებლო მოედანი პერიოდულად უნდა გაიწმინდოს სამშენებლო ნარჩენებისა და ნაგვისგან, რათა არ მოხდეს გარემოს დაზიანება. სამუშაოების დასრულების შემდეგ კი უნდა მოხდეს ტერიტორიის სრული დასუფთავება. სამუშაოები განხორციელოს საქართველოს მთავრობის 2007 წლის 28 მარტის №62 დადგენილების „მშენებლობის უსაფრთხოების წესების“ მოთხოვნათა გათვალისწინებით.

მიმწოდებელი ვალდებულია დაიცვას შრომის უსაფრთხოების სფეროში საქართველოს კანონმდებლობით დადგენილი მოთხოვნები და მიიღოს ყველა საჭირო და პროპორციული ზომა, რათა უზრუნველყოს მისი დასაქმებულების შრომის უსაფრთხოება შემსყიდველის სამუშაო სივრცეში.

სამუშაოების წარმოებისას სრულად დაიცვას საქართველოში კორონა ვირუსის „COVID-19“-ის გავრცელების პრევენციასთან დაკავშირებული მოქმედი მარეგულირებელი და ნორმატიული დოკუმენტებით განსაზღვრული მოთხოვნები/პროტოკოლი.

მიმწოდებლის დასაქმებული ვალდებულებია შემსყიდველის სამუშაო სივრცეში დაიცვას შემსყიდველის შრომის უსაფრთხოებასთან დაკავშირებული დოკუმენტებით დადგენილი მოთხოვნები და მისი მითითებები/ინსტრუქციები, წინააღმდეგ შემთხვევაში შემსყიდველი თავისუფლდება ყველანაირი პასუხისმგებლობისგან.

მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, სამუშაოებით გამოწვეული ხმაურის, ვიბრაციის და მტვრის გავლენის მინიმუმამდე დაყვანა.

მიმწოდებელი ვალდებულია საქართველოში მოქმედი ტექნიკური უსაფრთხოების და გარემოს დაცვასთან დაკავშირებული კანონებისა და ნორმების შესაბამისად, მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

სამუშაოთა საბოლოო მიღება

მიმწოდებელი ატყობინებს შემსყიდველს სამუშაოთა დასრულების შესახებ, თანახმად გეგმა-გრაფიკისა. შემსყიდველი ამოწმებს შესრულებულ სამუშაოებს. თუ შემსყიდველმა სამუშაოები შეაფასა წუნით, დასრულებულად ჩაითვლება სამუშაოები, დეფექტების აღმოფხვრის შემდეგ.

ეტაპობრივი და საბოლოო მიღება-ჩაბარების აქტის გასაფორმებლად აუცილებელია მიმწოდებელმა წარმოადგინოს შესრულებული სამუშაოების

ფორმა №2-ის, ფარული სამუშაოს აქტები (არსებობის შემთხვევაში) და შესაბამისი წერილობითი ანგარიში. შესრულებული სამუშაოების ექსპერტიზას განახორციელებს შემსყიდველი. ფორმა N2 უნდა მოიცავდეს ძირითადი სარეაბილიტაციო ფიზიკური სამუშაოების არანაკლებ 80 პროცენტს.

შემსყიდველისთვის გადასაცემი საბოლოო პროდუქცია

წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს შესრულებული სამუშაოების ანგარიში (საქართველოს კანონის „კულტურული მემკვიდრეობის შესახებ“ მოთხოვნათა შესაბამისად), შესრულებული სამუშაოების აქტები (ფორმა №2) და საჭიროების შემთხვევაში, ფარული სამუშაოების აქტები.

ანგარიში წარმოდგენილი უნდა იყოს ტექსტური და გრაფიკული მასალის დოკუმენტირებით (A3 ან A4 ფორმატის ალბომის სახით, ზამბარით აკინძული - 3 ეგზ.) და ელექტრონულ ვერსიაში მეხსიერების ბარათზე (ტექსტური და გრაფიკული მასალის PDF, EXCEL ფაილი; ფოტომასალა - TIFF ან JPG გაფართოების ფაილი) ჩაწერილი.

საექპერტო დასკვნის საფუძველზე შესრულებულ სამუშაოებს ჩაიბარებს საქართველოს კულტურული მემკვიდრეობის დაცვის ეროვნული სააგენტოს მონიტორინგის სამსახური.

შესრულებულ სამუშაოთა ანგარიშის ჩაბარების ვადები

შესრულებულ სამუშაოთა საბოლოო ვადა განისაზღვრება გეგმა-გრაფიკის შესაბამისად, ხელშეკრულების გაფორმებიდან არაუგვიანეს რვა კალენდარულ თვეში.

 დანართი_1_პროექტი+.pdf ☐

☐ 1.3 ატვირთეთ ფასების ცხრილი/ხარჯთაღრიცხვა

 მუცო ხარჯთაღრიცხვა მე-8 ეტაპი 18.04.2022.xlsx ☐

☐ 1.4 მიუთითეთ საქონლის მიწოდების/მომსახურების გაწევის/სამუშაოს შესრულების ვადა

ხელშეკრულების გაფორმებიდან არაუგვიანეს 8 (რვა) კალენდარულ თვეში.

☐ 1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

ტექნიკური დავალებით გათვალისწინებული სამუშაოს შესრულების ადგილია - დუშეთის მუნიციპალიტეტი, სოფ. მუცოს ისტორიულ - არქიტექტურული კომპლექსი.

☐ 1.6 მიუთითეთ შესასრულებელი სამუშაოს გონივრული საგარანტიო ვადა

სამუშაოების დასრულების შემდეგ (საბოლოო მიღება-ჩაბარების აქტის გაფორმების თარიღიდან) 5 (ხუთი) წლის განმავლობაში რაიმე წუნის (დეფექტი ნაკლოვანებები) აღმოჩენის შემთხვევაში, თუ დადგინდება, რომ აღნიშნული წუნი გამოწვეულია მიმწოდებლის მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

პრეტენდენტი ვალდებულია წარმოადგინოს (წერილობითი ფორმით) დადასტურება საგარანტიო პერიოდში წუნის (დეფექტი, ნაკლოვანებები) აღმოჩენის შემთხვევაში მიმწოდებლის მიზეზით უხარისხოდ შესრულებული სამუშაოების საკუთარი ხარჯებით აღმოფხვრის ვალდებულების შესახებ.

▼ ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის სასაქონლო ნიშნის, პატენტის, მოდელის, წარმოშობის წყაროს ან/და მწარმოებლის შესახებ?

არა

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

კი

☐ ☐ 2.2.1 მიუთითეთ პრეტენდენტის გამოცდილებასთან დაკავშირებული მოთხოვნები

პრეტენდენტს 2015 წლიდან დღემდე უნდა გააჩნდეს სარეაბილიტაციო სამუშაოების გამოცდილება არანაკლებ 2 (ორი) შენობაზე, ასევე პრეტენდენტს უნდა ჰქონდეს მინიმუმ ერთი სარეაბილიტაციო სამუშაო შესრულებული, ერთი ხელშეკრულების ფარგლებში, ერთ ობიექტზე (ერთ საკადასტრო ერთეულში მოქცეულს ან/და კონსტრუქციულად, კომპლექსურად ერთმანეთთან დაკავშირებული ობიექტი), არანაკლებ 130 000 ლარის, საქართველოს კანონმდებლობით დადგენილი ყველა გადასახადის ჩათვლით. აღნიშნულის დასტურად, პრეტენდენტის მიერ წარმოდგენილ უნდა იქნას შესაბამისი ხელშეკრულებები და შესრულებულ სამუშაოებზე გაფორმებული მიღება-ჩაბარების აქტები ან/და ფორმა N2 ან/და ექსპერტიზის დასკვნები ან/ და ნებისმიერი სხვა სახის დოკუმენტი, რომელიც დაადასტურებს აღნიშნული სამუშაოების შესრულების ფაქტს.

ინფორმაცია წარმოდგენილი უნდა იქნას ჩამონათვალის სახით (არსებობის შემთხვევაში CMR/SPA/NAT ნომრის მითითებით) დანართის მიხედვით (იხ.დანართი), რომელსაც თან უნდა ერთვოდეს აღნიშნულის დამადასტურებელი დოკუმენტები. გამოცდილების ამსახველი CMR/SPA/NAT განცხადებების შესაბამის ველში სამუშაოს შესრულების სრულყოფილი დოკუმენტების არსებობის შემთხვევაში დამადასტურებელი დოკუმენტაციის წარმოდგენა სავალდებულო არ არის.

 [გამოცდილება დანართი სამუშაო.xlsx](#) ☐

☐ 2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

არა

☐ 2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

კი

☐ ☐ 2.4.1 მიუთითეთ პრეტენდენტის პერსონალის გამოცდილებასთან დაკავშირებული მოთხოვნები

პრეტენდენტს პროექტის შესასრულებლად დასაქმებული უნდა ჰყავდეს: არქიტექტორ-რესტავრატორი, ინჟინერ-მშენებელი, სერტიფიცირებული შრომის უსაფრთხოების სპეციალისტი.

არქიტექტორ-რესტავრატორის, ინჟინერ-მშენებელის, სერტიფიცირებული შრომის უსაფრთხოების სპეციალისტზე უნდა წარმოადგინოს შემდეგი ინფორმაცია:

არქიტექტორ-რესტავრატორს და ინჟინერ-მშენებელს - 2015 წლიდან დღემდე არანაკლებ 3 (სამი) კულტურულ მემკვიდრეობის ძეგლზე, კერძოდ, საქართველოს მთიანი რეგიონისათვის დამახასიათებელი კულტურული მემკვიდრეობის ძეგლ(ებ)ზე ფიქალით, მშრალი წყობის მუშაობის გამოცდილების ამსახველი დოკუმენტაცია, კერძოდ, პროექტის (სამუშაოს) დასახელება, განხორციელების ვადა თარიღების მითითებით, დამკვეთი (ორგანიზაციის დასახელება, ს/კ), პერსონალის პოზიცია (დანართის შესაბამისად).

შრომის უსაფრთხოების სპეციალისტის თაობაზე ინფორმაცია წაროდგენილი უნდა იყოს CV-ის და სერტიფიკატის სახით.

შენიშვნა: წარმოდგენილი ინფორმაციის გადამოწმების მიზნით, სააგენტო იტოვებს უფლებას მოითხოვოს პრეტენდენტის მიერ მითითებული, პერსონალის შესრულებულ სამუშაოთა შესახებ ანგარიშები, მიღება-ჩაბარების აქტები, ხელშეკრულებები, პროექტები.

 [დანართი_CV-ის_ფორმა.xlsx](#)

☐ 2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

კი

☐ ☐ 2.5.1 მიუთითეთ საქონლის მიწოდების/მომსახურების გაწევის/სამუშაოს შესრულების ვადებთან (გეგმა-გრაფიკი) დაკავშირებული მოთხოვნები

პრეტენდენტი ვალდებულია სარეაბილიტაციო სამუშაოები შეასრულოს შემსყიდველის მიერ წარმოდგენილი კალენდარული გეგმა-გრაფიკის მიხედვით (იხ. დანართი).

 [დანართი_3_გეგმა-გრაფიკი.pdf](#)

☐ 2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐ 2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

არა

☐ 2.8 მოითხოვება თუ არა ინფორმაცია ქვეკონტრაქტორის შესახებ?

კი

☐ ☐ 2.8.1 მიუთითეთ ქვეკონტრაქტორთან დაკავშირებული მოთხოვნები

მიმწოდებელმა ხელშეკრულების გაფორმების შემდეგ წერილობით უნდა აცნობოს შემსყიდველს წინამდებარე ხელშეკრულების ფარგლებში ქვეკონტრაქტორის (არსებობის შემთხვევაში) აყვანის შესახებ. მიმწოდებელს არა აქვს უფლება გადასცეს ქვეკონტრაქტორს თავისი უფლებები და მოვალეობები, შემსყიდველის თანხმობის გარეშე.

ქვეკონტრაქტორი კომპანია არ უნდა იყოს რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში – „შავი სია“.

შემსყიდველის თანხმობის გარეშე ქვეკონტრაქტორის აყვანის შემთხვევაში, იგი უფლებამოსილია მიმწოდებელს შეუწყვიტოს ხელშეკრულება და დააკისროს ჯარიმის სახით პირგასამტეხლო სახელშეკრულებო თანხის 0,2 %-ის ოდენობით. ფაქტის გამოვლენის შემთხვევაში აღნიშნული საჯარიმო სანქცია გავრცელდება მთელი საგარანტიო პერიოდის განმავლობაში (სამუშაოს მიღება-ჩაბარებიდან 5 წელი).

მიმწოდებელი უფლებამოსილია ქვეკონტრაქტორს გადასცეს ხელშეკრულებით გათვალისწინებული სამუშაოების ღირებულების არაუმეტეს 40%-ისა.

☐ ☐ 2.9 სხვა დამატებითი მოთხოვნები (ველის შევსება არ არის სავალდებულო)

მიმწოდებელი ვალდებულია:

1. ხალშეკრულების გაფორმების შემდეგ, სამუშაოების დაწყებამდე გადაიხადოს სანებართვო მოსაკრებელი კულტურული მემკვიდრეობის ძეგლზე სამუშაოების ნებართვის მისაღებად 50 (ორმოცდაათი) ლარის ოდენობით და აიღოს შესაბამისი ნებართვა სამუშაოების წარმოებაზე.
2. ხელშეკრულების გაფორმებიდან არაუგვიანეს 10 (ათი) სამუშაო დღის ვადაში წარმოუდგინოს შემსყიდველს სამუშაოების ეტაპობრივი ჩაბარების სავარაუდო ვადები.

▼ **შესყიდვის ობიექტის ნიმუში ან/და ექსპერტიზის დასკვნა**

☐ 3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

არა

▼ **ფასწარმოქმნის ადეკვატურობის დამადასტურებელი დოკუმენტ(ებ)ი**

☐ 4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში ფასწარმოქმნის ადეკვატურობა?

კი

☐ 4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

იმ შემთხვევაში, თუ ტენდერში მონაწილე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია დაასაბუთოს ფასწარმოქმნის ადეკვატურობა.

ფასწარმოქმნის ადეკვატურობა შესაძლებელია დასაბუთდეს სსიპ ლევან სამხარაულის სახელობის სასამართლო ექსპერტიზის ეროვნული ბიუროს, ან შესაბამის სფეროში აკრედიტებული ნებისმიერი პირის მიერ გაცემული დასკვნის საფუძველზე (დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტ(ებ)ის ასლი), რომელშიც ტექსტობრივად მკაფიოდ უნდა იკვეთებოდეს, 2017 წლის 26 სექტემბრის საქართველოს მთავრობის N439 დადგენილებით განსაზღვრული ტექნიკური რეგლამენტის - „სამშენებლო სამუშაოების ხარჯთაღრიცხვის ფასწარმოქმნის ადეკვატურობის დადგენის მეთოდიკის“ მოთხოვნებთან დასკვნის შესაბამისობა. წარმოდგენილი დასკვნით უნდა დასტურდებოდეს პრეტენდენტის მიერ აქტირთულ სატენდერო ხარჯთაღრიცხვაში (სატენდერო წინადადების საბოლოო ფასის შესაბამისი ხარჯთაღრიცხვა შესაბამისი ტენდერის უნიკალური ნომრის მითითებით) დაფიქსირებული ერთეულის ფასებით (თითოეულ ერთეულთან მიმართებით) და აგრეთვე ჯამური ღირებულებით ამავე ხარჯთაღრიცხვით განსაზღვრული სამუშაოების შესრულების შესაძლებლობა. ექსპერტიზის დასკვნას თან უნდა ერთვოდეს სატენდერო ხარჯთაღრიცხვა და რესურსული მეთოდით შედგენილი ხარჯთაღრიცხვა. ექსპერტიზის დასკვნის წარმოდგენლობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას.

☐ 4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან 3 სამუშაო დღის ვადაში

▼ **სარეგისტრაციო/უფლებრივი მონაცემების ამსახველი დოკუმენტ(ებ)ი**

☐ 5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?

არა

▼ ხელშეკრულების შესრულების უზრუნველყოფის გარანტია

6.1 მიუთითეთ ხელშეკრულების შესრულების უზრუნველყოფის გარანტიის ოდენობა - (2 %-დან 5 %-ის ჩათვლით)

2 პროცენტი

	ჩაწერა
--	--------

6.2 მიუთითეთ სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში გარანტიის ოდენობა - (2 %-დან 10 %-ის ჩათვლით)

5 პროცენტი

	ჩაწერა
--	--------

☐ 6.3 მიუთითეთ გარანტიის მოქმედების ვადა

ხელშეკრულების უზრუნველყოფის საბანკო გარანტიის მოქმედების ვადა 90 კალენდარული დღით უნდა აღმატებოდეს შესყიდვის ობიექტის მიწოდების ვადას.

☐ 6.4 მიუთითეთ გარანტიის პირობები

ხელშეკრულების შესრულების უპირობო და გამოუთხოვადი გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

უცხოური ბანკიდან ან/და სადაზღვევო კომპანიიდან საბანკო გარანტიის წარმოდგენის შემთხვევაში მასთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან გაცემული „კონტრგარანტია“ (ლარში).

საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე).

გარანტია უნდა იყოს უპირობო და შემსყიდველს უნდა აძლევდეს უფლებას გარანტიის გამცემი დაწესებულებისგან პირველი მოთხოვნისთანავე, ყოველგვარი დასაბუთების გარეშე, მიიღოს შესაბამისი თანხა.

მიმწოდებლის მიერ წარმოდგენილი, ხელშეკრულების შესრულების უზრუნველყოფის უპირობო საბანკო გარანტია გამოიყენება მიმწოდებლის მიერ ხელშეკრულების პირობების შეუსრულებლობის, ან არაჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენებისა და ხელშეკრულებით გათვალისწინებულ სხვა შემთხვევებში.

მიმწოდებლის მიერ ხელშეკრულების შეწყვეტის შემთხვევაში შემსყიდველს უფლება აქვს აამოქმედოს ხელშეკრულების შესრულების უზრუნველყოფის საბანკო გარანტია სრული ოდენობით.

მიმწოდებლის მიერ ხელშეკრულების შეუსრულებლობის ან არაჯეროვნად შესრულების გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, შემსყიდველი უფლებამოსილია აამოქმედოს ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო საბანკო გარანტია სრული ოდენობით. ამ შემთხვევაში საბანკო გარანტიის ამოქმედება მიმწოდებელს არ ათავისუფლებს შემსყიდველისთვის მიყენებული ზიანის ანაზღაურებისგან.

▼ ანგარიშსწორების პირობები

☐ 7.1 გამოიყენება თუ არა წინასწარი ანგარიშსწორება?

7.1.1 მიუთითეთ წინასწარ გადასახდელი თანხის ოდენობა და პირობები

წინასწარი ანგარიშსწორების შემთხვევაში მიმწოდებელი ვალდებულია, წარმოადგინოს ავანსის სახით გადასახდელ თანხაზე (არაუმეტეს ხელშეკრულების საერთო ღირებულების 10%) საავანსო საბანკო გარანტია, რომლის მოქმედების ვადა 90 (ოთხმოცდაათი) კალენდარული დღით უნდა აღემატებოდეს შესყიდვის ობიექტის მიწოდების ვადას.

იმ შემთხვევაში, თუ მიმწოდებელი ვერ უზრუნველყოფს შესყიდვის ობიექტის მიწოდებას 2022 წლის 10 დეკემბრამდე, უნდა წარმოადგინოს ხელშეკრულებით გათვალისწინებული სამუშაოების შეუსრულებელი ნაწილის 100%-ზე საავანსო საბანკო გარანტია, რომლის მოქმედების ვადა 90 (ოთხმოცდაათი) კალენდარული დღით უნდა აღემატებოდეს შესყიდვის ობიექტის მიწოდების ვადას.

7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

შესრულებული სამუშაოს ანგარიშსწორება განხორციელდება ეტაპობრივად, ექსპერტიზის დადებითი დასკვნის საფუძველზე მხარეთა მიერ შედგენილი მიღება-ჩაბარების აქტ(ებ)ის მიხედვით.

მიმწოდებლის მიერ ფორმა N2-ით წარმოდგენილი სამუშაოების ღირებულება უნდა შეადგენდეს ხელშეკრულების საერთო ღირებულების არანაკლებ 50%-ს, ხოლო ფორმა N2 უნდა მოიცავდეს ძირითადი სარეაბილიტაციო ფიზიკური სამუშაოების არანაკლებ 80%-ს.

იმ შემთხვევაში, თუ განსაზღვრული გარემოებების გამო, მიმწოდებლის მიერ შესრულებული სამუშაოების ღირებულებამ შეადგინა ამ ხელშეკრულებით გათვალისწინებულ თანხაზე ნაკლები, შემსყიდველი აუნაზღაურებს მიმწოდებელს მის მიერ ფაქტიურად შესრულებული სამუშაოს ღირებულებას წინამდებარე ხელშეკრულებით განსაზღვრული ერთეულის ფასების შესაბამისად.

7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები(სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

ანგარიშსწორება მოხდება ეტაპობრივად, მიღება-ჩაბარების აქტ(ებ)ის გაფორმებისა და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან არაუგვიანეს 10 (ათი) სამუშაო დღის ვადაში.

ხელშეკრულების პროექტი

8.1 ატვირთეთ ხელშეკრულების პროექტი



454 ხელშეკრულების პროექტი მუცო.pdf

საკონტაქტო პირის შესახებ ინფორმაცია

9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

ხათუნა მენაბდიშვილი, 577253365, khatuna.menabdishvili@gmail.com სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის მოდულის – „კითხვა/პასუხის“ მეშვეობით.

დამატებითი ინფორმაცია/დოკუმენტები

10.1 დამატებითი ინფორმაცია/დოკუმენტები (ველის შევსება არ არის სავალდებულო)

1. ტენდერში მონაწილეობის მიღებით პრეტენდენტი ავტომატურად გამოხატავს თანხმობას სატენდერო დოკუმენტაციით განსაზღვრულ მოთხოვნებზე.
2. მიმწოდებელი ვალდებულია, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე სახელმწიფო შესყიდვებში ერთიან ელექტრონულ სისტემაში ასატვირთ ელექტრონულ დოკუმენტებზე შესარულოს კვალიფიციური ელექტრონული ხელმოწერა ან/და ეს დოკუმენტები დაამოწმოს კვალიფიციური ელექტრონული შტამპით.
3. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს სანოტარო წესით დამოწმებული ქართული თარგმანი.
4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
5. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია დამოწმებული უნდა იყოს კვალიფიციური ელექტრონული ხელმოწერით ან/და კვალიფიციური ელექტრონული შტამპით უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
6. იმ შემთხვევაში, თუ სატენდერო პირობებზე ხელისმომწერი პირი არ არის წარმომადგენლობითი უფლებამოსილებით აღჭურვილი, პრეტენდენტმა უნდა წარმოადგინოს ხელისმომწერისათვის გაცემული მინდობილობა.
7. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
8. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებულ ყველა ხარჯის ჩათვლით.
9. სატენდერო წინადადების ფასი სახელმწიფო შესყიდვების ერთიან ელექტრონულ სისტემაში მითითებული უნდა იქნეს დღგ-ს გარეშე „საქართველოს საგადასახადო კოდექსის“ 170-ე მუხლის პირველი პუნქტის „ლ“ ქვეპუნქტის შესაბამისად (აღნიშნული სამუშაოები დღგ-ისგან გათავისუფლებულია).
10. პრეტენდენტის მიერ ერთიან ელექტრონულ სისტემის მეშვეობით ხარჯთაღრიცხვის წარმოდგენილობა, ან წარმოდგენილ ხარჯთაღრიცხვაში 1%-ზე მეტი განუფასებელი პოზიცი(ებ)ის შემთხვევაში მოხდება მისი დისკვალიფიკაცია დაზუსტების გარეშე.
11. ხარჯთაღრიცხვის ფორმაში დაუშვებელია სამუშაოების დასახელების, განზომილების, რაოდენობების და გათვალისწინებული ხარჯების %-ის ცვლილება. ერთნაირი დასახელების სამუშაოზე გათვალისწინებული უნდა იყოს ერთნაირი ფასი.
12. ხარჯთაღრიცხვის გაფასებისას პრეტენდენტმა უნდა გაითვალისწინოს საქართველოს მთავრობის 2014 წლის 14 იანვრის #55 დადგენილების (ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის“ დამტკიცების შესახებ) მოთხოვნები.
13. პრეტენდენტის მიერ სავალდებულოდ წარმოსადგენი დოკუმენტებია:
სატენდერო დოკუმენტაციის 1.3. პუნქტის თანახმად - ხარჯთაღრიცხვა (როგორც Excel -ის ასევე PDF ფორმატში);
სატენდერო დოკუმენტაციის 1.6. პუნქტის თანახმად - შესასრულებელი სამუშაოს გონივრული საგარანტიო ვადა;
სატენდერო დოკუმენტაციის 2.2.1. პუნქტის თანახმად - ინფორმაცია პრეტენდენტის გამოცდილების შესახებ;
სატენდერო დოკუმენტაციის 2.4.1. პუნქტის თანახმად - ინფორმაცია პრეტენდენტის პერსონალის გამოცდილების შესახებ.

▼ სატენდერო პირობების დამტკიცების შესახებ სატენდერო კომისიის სხდომის ოქმი

11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი